



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

462

Արխան «Աս. Կոստանեան և Ընկ.» Ըկերտրեան

Կ Ա Ր Է Մ Ա Ր Ե Ս

ՎԱՐՁՈՒ ԱՇԽԱՏԱՆՔ


Ե Ի

ԿԱՊԻՏԱԼ

(8)

3K13

2-31



20054

462

ՎԱՐՁՈՒ ԱՇԽԱՏԱՆԲ ԵՒ ԿԱՊԻՏԱԼ

I.

ԻՆՉ Է ԱՇԽԱՏԱՎԱՐՁԸ ԵՒ ԻՆՉՈ՞Վ Է ՆԱ ՈՐՈՇԻՈՒՄ

Եթէ հարցնէք բանւորներին. «Որքան է ձեր աշխատավարձը», մէկը կպատասխանէ ձեզ. «Ես ստանում եմ իմ բուրժուաւից օրական 1 մարկ *», միւրը կպատասխանէ. «Ես ստանում եմ օրական 2 մարկ» և այլն: Նայած աշխատանքի զանազան ճիւղերին, որտեղ նրանք աշխատում են, նրանք կասեն ձեզ զանազան գումարներ, որ իրանք ստանում են իրանց բուրժուաներից որոշ աշխատանք կատարելու համար, օրինակ—մի արշին կտաւ գործելու կամ մի տպագրական թերթ շարելու համար: Չնայած այդ գումարների տարբերութեանը, նրանց պատասխանները կմիանան մի կէտում. աշխատավարձը—այդ՝ փողի այն գումարն է, որ կապիտալիստը վճարում է բանւորներին որոշ ժամանակամիջոց աշխատելու կամ մի որոշ գործ կատարելու համար:

Կապիտալիստը, թւում է թէ գնում է փողով նրանց աշխատանքը: Իսկ նրանք փողով ծախում են կապիտալիստին իրանց աշխատանքը: Բայց այդ միայն թւում է այդպէս: Իրապէս նրանք ծախում են կապիտալիստին փողով ոչ թէ իրանց աշխատանքը, այլ ի-

Дозволено цензурою. Тифлисъ, 20 марта 1906 г.

*) 1 մարկը մօտաւորապէս 46 կոպ.:

բանց աշխատանքի ոյժը կամ ուրիշ խօսքով, իրանց բան-
 ւորական ոյժը: Այդ բանւորական ոյժը կապիտալիստը
 գնում է մի օրով, մի շաբթով, մի ամսով և այլն: Իսկ
 գնելուց յետոյ, նա գործադրում է այդ ոյժը, ստիպելով
 բանւորներին աշխատել որոշ ժամանակամիջոց: Այդ
 նոյն փողով, որ կապիտալիստը վճարում է բանւորա-
 կան ոյժի համար, օր. 2 մարկով, նա կարող էր գնել
 2 ֆունտ շաքար կամ մի ուրիշ որևէ ապրանք որոշ
 գնով: Երկու ֆ. շաքարի համար վճարած 2 մարկը
 կազմում է շաքարի գինը: Այն 2 մարկն էլ, որ կապի-
 տալիստը վճարում է բանւորական ոյժի 12-ժամեայ
 գործադրութեան համար, կազմում է 12-ժամեայ աշ-
 խատանքի գինը: Այդպիսով, բանւորական ոյժը ճիշտ
 նոյն տեսակ մի ապրանք է, ինչպէս շաքարը, միայն՝
 նա չափւում է ժամերով, իսկ շաքարը քաշով:

Բանւորները փոխանակում են իրանց ունեցած
 ապրանքը—փողի հետ: Եւ այդ փոխանակութիւնը կա-
 տարւում է որոշ յարաբերութեամբ: Փողի որոշ քանա-
 կութիւնը վճարւում է՝ բանւորական ոյժը որոշ ժամա-
 նակամիջոց գործադրելու համար, օր., 2 մարկը՝ կտա-
 ւագործի 12-ժամեայ աշխատանքի համար: Իսկ այդ 2
 մարկը միթէ չեն ներկայացնում իրանցով այն բոլոր
 ապրանքները, որ կարելի է գնել նրանց միջոցով: Հե-
 տեապէս, ըստ էութեան, բանւորը փոխանակել է իր ապ-
 րանքը—բանւորական ոյժը—գանազան ապրանքների
 հետ և այն էլ՝ որոշ յարաբերութեամբ: Երկու մարկ
 վճարելով նրան, կապիտալիստը, իբրև փոխանակու-
 թիւն նրա մի օրեայ աշխատանքի համար՝ տալիս է
 նրան այս ինչ քանակութեամբ միս, շոր, փայտ և այլն:
 Ուրեմն, այդ 2 մարկը արտայայտում են այն յարա-
 բերութիւնը, որով բանւորական ոյժը փոխանակւում է

միւս ապրանքների հետ, այսինքն նա արտայայտում է
 բանւորական ոյժի փոխանակական արժէքը: Բայց մի
 որևէ ապրանքի փոխանակական արժէքը՝ արտայայտ-
 ւած փողով՝ կոչւում է նրա գինը: Այդպիսով, աշխա-
 տալարձ կոչւում է առանձնապէս բանւորական ոյժի
 գինը, որը սովորաբար կոչւում է աշխատանքի գին:

Վերցրէք, ինչ բանւոր կամենում էք, օր. մի ոս-
 տայնանկ: Կապիտալիստը տալիս է նրան գործիքը և
 մանւածքը: Ոստայնանկը նստում է աշխատելու, և
 մանւածքը դանւում է կտաւ: Կապիտալիստը վերցնում
 է կտաւը և ծախում է, ասենք, 20 մարկով: Ենթադ-
 յանում է՝ անդեօք կտաւագործի վաստակը, իբրև այդ
 կտաւի մի մաս, իբրև 20 մարկի, նրա աշխատանքի
 արդիւնքի մի մաս: Երբէք: Կտաւը դեռ չծախած կամ
 նոյն իսկ, գուցէ դեռ չվերջացրած՝ ոստայնանկը ար-
 դէն ստանում է իր վարձը: Հետևապէս, կապիտալիստը
 վճարում է աշխատավարձը ոչ թէ այն փողերից, որ
 նա ստանում է կտաւի համար, այլ ուրիշ, պահված
 փողերից: Այն ապրանքները, որ կտաւագործը ստա-
 նում է իր ապրանքի՝ բանւորական ոյժի փոխարէն,
 նոյնքան քիչ կարելի է համարել նրա աշխատանքի ար-
 դիւնք, որքան և այն գործիքն ու մանւածքը, որ նա
 ստանում է բուրժուալից: Կարող է պատահել, որ բուր-
 ժուալի կտաւը մնայ բոլորովին առանց ծախելու: Կա-
 բող է պատահել նոյնպէս, որ, կտաւը ծախելով, նա
 չի ստանայ նոյն իսկ այն գումանը, որ ինքը վճարել
 է իբրև աշխատավարձ, կամ, ընդհակառակը, նա կծա-
 խի կտաւը շատ մեծ օգուտով: Այդ բոլորի հետ գործ
 չունի ոստայնանկը: Իր ունեցած կարողութեան, իր
 կապիտալի մի մասով կապիտալիստը գնում է ոստայ-
 նանկի բանւորական ոյժը—ճիշտ նոյնպէս, ինչպէս քիչ

առաջ, կապիտալի մի ուրիշ մասով նա գնել է հում նիւթը—մանւածքը և աշխատանքի գործիքը—մեքենան: Այդ բոլոր գնելիքները վերջացնելուց յետոյ, որոնց թւում գտնուում է բանւորական ոյժը, կապիտալիստը իրան պատկանող հում նիւթի եւ աշխատանքի գործիքների ճգնութեամբ արտադրում է ապրանքներ: Աշխատանքի գործիքների թւին պատկանում է նաև մեր ոստայնանկը, որը նոյնպէս ոչինչ չի ստանում իր աշխատանքի արդիւնքից կամ նրա գնից, ինչպէս ոչինչ չի ստանում գործող մեքենան:

Ուրեմն, աշխատավարձը չի կազմում բանւորի ունեցած բաժինը՝ նրա արտադրած ապրանքի մեջ: Աշխատավարձը մի մասն է արդէն գոյութիւն ունեցող այն ապրանքի, որի միջոցով կապիտալիստը գնում է որոշ քանակութեամբ արդիւնագործող բանւորական ոյժ:

Այդպիսով, բանւորական ոյժը—դա մի ապրանք է, որ նրա սեփականատէրը, վարձու բանւորը, ծախում է կապիտալին: Բայց ինչո՞ւ է ծախում նա այդ ապրանքը:—Որպէսզի կարողանայ ապրել:

Բայց բանւորական ոյժի արտադրատուութիւնը—աշխատանքը միաժամանակ բանւորի կենսագործունէութիւնն է: Եւ հէնց այդ կենսագործունէութիւնն է, որ նա ծախում է մի երրորդ անձնաւորութեան, որպէսզի գոյութեան միջոցներ ստեղծէ իր համար: Ուրեմն, նրա կենսագործունէութիւնը ծառայում է նրան իբրև մի միջոց, որ հնարաւորութիւն է տալիս նրան ապրելու: Նա աշխատում է, որպէսզի ապրէ. նա մինչև անգամ չի նայում աշխատանքի վրա, իբրև իր կեանքի մի մասի վրա: Դա աւելի մի գոհաբերութիւն է, որ նա անում է կեանքին, մի ապրանք է, որ նա վիճում է երրորդ անձնաւորութեան: Այդ պատճառով նրա գոր-

ծունէութեան արդիւնքը չի կազմում նրա գործունէութեան նպատակը: Նա իր համար չէ, որ արտադրում է այն մետաքսը, որ ինքը գործում է, այն ոսկին, որ ինքը գտնում է, և այն պալատը, որ ինքը կառուցանում է իր աշխատանքով: Իր համար նա արտադրում է աշխատավարձը, իսկ մետաքսը, ոսկին ու պալատը դառնում են նրա համար գոյութեան միջոցների մի որոշ քանակութիւն, թերևս մի բրդէ բաճկոն, մի քիչ սև փող և մի փոքրիկ բնակարան գետնայարկում: Եւ բանւորի համար, որը 12 ժամեայ ընթացքում գործում է, մանում, քանդում, բեռներ կրում և այլն, նրա այդ 12-ժամեայ գործունէութիւնը բոլորովին կեանք չէ նըշանակում: Ընդհակառակը՝ նրա կեանքը սկսուել է միայն այն ժամանակ, երբ վերջանում է այդ գործունէութիւնը, այն ժամանակ, երբ նա նստում է ճաշելու, գնում է գինետուն կամ պառկում է քնելու: Իսկ նրա 12-ժամեայ աշխատանքը նշանակութիւն ունի նրա համար, որպէս փող վասակելու միջոց, որ հնարաւորութիւն է տալիս նրան՝ ճաշելու, գինետուն գնալու կամ անկողնում քնելու: Եթէ մետաքսի որթը սկսէր մետաքս գործել միայն նրա համար, որ իր ամբողջ կեանքում ապրէր, իբրև թրթուռ, նա միանգամայն կընամանէր վարձու բանւորին:

Բանւորական ոյժը միշտ այդպէս ապրանք չի եղել, և աշխատանքը միշտ չէ այդպէս վարձու աշխատանք եղել, այսինքն ազատ աշխատանք: Ստուկը չէր ծախում իր բանւորական ոյժը ստրկատիրոջ, ինչպէս եզը չի ծախում իր ոյժը գիւղացուն: Ստրկին ծախում էին միանգամայն ընդմիշտ ստրկատիրոջ—իր բանւորական ոյժի հետ միասին: Նա մի ապրանք էր, որ կարող էր անցնել ձեռքից ձեռք: Նա ինքը ապրանք էր,

բայց նրա բանւորական ոյժը ապրանք չէր նրա հա-
մար: ձորսը ծախում է իր բանւորական ոյժի միայն
մի մասը: Եւ նա վարձ չէր ստանում հողատիրոջից, այլ,
ընդհակառակը, հողատէրը տուրք է ստանում նրանից:

Ձորսը պատկանում է հողին, և այդ հողի բերքը
նա տալիս է հողատիրոջ: Իսկ ազատ բանւորը, ընդհա-
կառակը, ծախում է ինքը իրան և ծախում է մաս-մաս:
Օրն օրի ետեից նա ծախում է իր կեանքից 8, 10, 12,
15 ժամեր, — նրանց, ով աւելի կվճարի, ծախում է՝ հում
նաւթ, աշխատանքի գործիքներ և գոյութեան միջոցներ
ունեցողներին, այսինքն՝ կապիտալիստներին: Բանւորը
չի պատկանում ոչ մի որևէ սեփականատիրոջ և ոչ
հողին, բայց նրա կեանքի 8, 10, 12, 14 ժամը պատ-
կանում են նրան, ով որ գնել է: Բանւորը կարող է
թողնել կապիտալիստին, որի մօտ նա վարձել է, երբ
որ ինքը կըկամենայ, և կապիտալիստն էլ, իր կողմից,
կարող է արձակել նրան, երբ ուզենայ, — երբ նա չի
կարողանում այլևս օգուտ քաղել նրանից, կամ չի կա-
րողանում այնքան օգուտ քաղել, որքան ինքը յոյս է
ունեցել: Բայց բանւորը, որի համար իր բանւորական
ոյժի վաճառումը, նրա գոյութեան միակ աղբիւրն է,
չի կարող, առանց հրաժարելու իր կեանքից, չի կա-
րող երես դարձնել այդ ոյժը գնողներին, այսինքն՝ կա-
պիտալիստների ավրոջ դասակարգից: Նա պատկանում
է ոչ թէ այս կամ այն կապիտալիստին, այլ ամբողջ
կապիտալիստական դասակարգին, իսկ գտնել այդ դա-
սակարգի մէջ գնողներ իր համար — դա արդէն իր գործն է:

Նախ քան քննելը աւելի մանրամասն կապիտալի և
վարձու աշխատանքի փոխադարձ յարաբերութիւնը, մենք
համառօտ կերպով կը շօշափենք այն ընդհանուր պայ-

մանները, որոնք դեր են կատարում աշխատավարձը
որոշելու խնդրում:

Աշխատավարձը, ինչպէս տեսանք արդէն, ոչ այլ
ինչ է, եթէ ոչ մի որոշ ապրանքի՝ բանւորականի ոյժի
գինը: Աշխատավարձը այդ պատճառով ենթարկւում է
նոյն օրէնքներին, որոնց ենթակայ են բոլոր այլ ա-
պրանքների գները: Հարց տանք ուրեմն, ինչո՞վ է որո-
շւում ապրանքի գինը:

II.

ԻՆՉՈ՞Վ Է ՈՐՈՇԻՈՒՄ ԱՊՐԱՆՔԻ ԳԻՆԸ

Նա որոշւում է գնողների ու վաճառողների մրցու-
մով, պահանջի և առաջարկի յարաբերութեամբ: Ապրան-
քի գինը որոշող մրցումը բաժանւում է երեք տեսակի:

Միևնոյն ապրանքը առաջարկում են մի քանի
վաճառողներ: Այն վաճառողը, որ միևնոյն որակի ա-
պրանքը ծախում է աւելի արժան, քան միւսները, ա-
ւելի շանս ունի դուրս մղելու շուկայից միւս վա-
ճառողներին և ամենից շատ ապրանքներ վաճառելու:
Այդպիսով վաճառողները մրցում են միմեանց հետ շու-
կայի համար: Ամեն մէկը նրանցից աշխատում է ծա-
խել, որքան կարելի է շատ և որքան հնարաւոր է
առանց մրցակիցներին: Այդ պատճառով մէկը ծախում է
միւսից արժան: Սկսւում է՝ մրցումն վաճառողների մի-
ջեւ, որի շնորհիւ առաջարկած ապրանքների գները
ընկնում են:

Բայց մրցումը տեղի է ունենում և գնողների միջեւ.
և այդ, իր կողմից, բարձրացնում է ապրանքների գները:

Վերջապէս, մրցումը տեղի է ունենում, մի կողմից, վաճառողների և, միւս կողմից, գնողների միջև: Վաճառողները աշխատում են վաճառել, որքան կարելի է արժան: Այդ մրցման հետևանքը կախած է առաջին երկու կարգի մրցումների յարաբերութիւնից, այսինքն՝ նրանից, թէ ո՞րտեղ է մրցումը աւելի ուժեղ—վաճառողների թէ գնողների բանակում: Արդիւնաբերութիւնը կանգնեցրել է միմեանց դէմ երկու զօրք, և նրանց ամեն մէկի շարքերում, իր կարգին, անընդհատ կռիւ է մղում: Պարզ է, որ կյաղթի այն զօրքը, որի մէջ ներքին կռիւը, ներքին երկպառակութիւնները աւելի թոյլ են:

Ենթադրենք, շուկայում կայ 100 հակ բամբակ, իսկ գնողներին հարկաւոր է 1000 հակ: Այդ դէպքում պահանջը 10 անգամ աւելի շատ կլինի առաջարկից: Այդ պատճառով, գնողների մէջ պէտք է ուժեղ մրցում առաջանայ: Նրանցից ամեն մէկը կաշխատի ձեռք բերել կարելոյն չափ շատ հակեր, եթէ հնար լինի նոյն իսկ բոլոր 100 հակը: Այդ ենթադրութիւնը այնքան էլ կամայական չի լինի: Առևտրի պատմութեան մէջ կարելի է գտնել բամբակի անբերրիութեան շրջաններ, որոնց ժամանակ մի քանի՝ իրար հետ համաձայնութիւն կայացրած կապիտալիստներ աշխատում են տիրանալ ոչ թէ մի 100 հակի միայն, այլ բամբակի ամբողջ պաշարին: Այդպիսով, ներկայ դէպքում, ամեն մի գնող, որպէսզի ետ մղէ միւսներին, կառաջարկի աւելի բարձր գին: Տեսնելով այդ կռիւը գնողների բանակում և հաւատացած լինելով, որ բոլոր 100 հակի ծախելը միանգամայն ապահովւած է, բամբակ ծախողները չեն սկսի մրցել միմեանց հետ և իջեցնել գինը այն ժամանակ, երբ հակառակ կողմը, ընդհակառակը, անընդհատ

բարձրացնում է: Նրանք կըկազմեն մի սերտ միութիւն, և նրանց պահանջները անչափ կլինէին, եթէ նրանց չըխանգարէր այն, որ նոյն իսկ ամենայամառ գնողները չեն կարող անցնել որոշ սահմանից:

Այդպիսով, եթէ առաջարկը քիչ է պահանջից, վաճառողների փոխադարձ մրցումը կամ շատ թոյլ է լինում, կամ բոլորովին չի լինում: Որչափով թուլանում է վաճառողների մրցումը, նոյնչափով աճում, ուժեղանում է մրցումն գնողների միջև: Իրա հետևանքը լինում է այն, որ ապրանքների գները քիչ թէ շատ բարձրանում են:

Յայտնի է, որ շատ աւելի յաճախ մենք գործ ենք ունենում հակառակ դէպքի և հակառակ հետևանքի հետ, այսինքն՝ շատ աւելի յաճախ առաջարկը աչքի ընկնող չափերով գերազանցում է պահանջից, տեղի է ունենում կատաղի մրցումն վաճառողների միջև, չեն գտնում գնողներ և ապրանքները ծախում են շատ արժան գներով:

Բայց ի՞նչ պէտք է հասկանալ գների բարձրանալ և ընկնել ասելով: Ի՞նչ է նշանակում բարձր կամ ցածր գին: Չէ՞ որ աւազի մի հատիկը՝ խոշորացոյցի տակ՝ անազին մեծութիւն է, իսկ ամենամեծ աշտարակը՝ սարի հետ համեմատած՝ մի փոքր բան է: Եթէ գինը որոշում է պահանջի և առաջարկի յարաբերութեամբ, ինչով է պայմանաւորւում ինքը այդ յարաբերութիւնը:

Իմենք առաջին պատահող առևտրականին: Նա իսկոյն, առանց մի րոպէ վարանելու, կըպատասխանէ ձեր դրած հարցին և, ինչպէս մի ժամանակ Ադէքսանդրը Մակեդոնացին, մի հարևածով կըկտրէ ձեր մետաֆիզիքական Գորգեան հանգոյցը: «Եթէ ապրանքի ար-

ստադրութիւնը, որը ես ուզում եմ ծախել,—ինձ նստել է 100 մարկ և ես ստանում եմ նրա համար 110 մ., դա կըլինի մի սովորական ու ազնիւ առևտրական վաստակ: Իսկ եթէ ես ստանում եմ 120 կամ 130 մ., դա կըլինի մեծ վաստակ, բայց եթէ ես ստանայի 200 մ., դա արդէն կըլինէր մի անսովոր և ուղղակի հսկայական վաստակ:» Ի՞նչն է ուրեմն այդ առևտրականի համար վաստակի չափը:—Ապրանքի արտադրութեան համար աւրած ծախսերը: Եթէ նա իր ապրանքի փոխարէն ստանում է մի ուրիշ ապրանք, որի արտադրութեան վրա աւելի քիչ ծախսեր են արւած, ուրիշ խօսքով՝ որի արտադրութիւնը աւելի արժան է նստել, այդ զէպքում նա վնասուում է: Իսկ եթէ նա ստանում է այն տեսակ ապրանք, որը աւելի թանկ է նստել, այդ զէպքում նա օգտուում է: Եւ իր վաստակի բարձրանալը կամ ընկնելը նա հաշուում է, հիմնւելով այն բանի վրա, թէ ապրանքի փոխանակական արժէքը որչափով բարձր կամ ցածր է արտադրութեան ծախսերից:

Մենք տեսանք, որ պահանջի ու առաջարկի յարաբերութեան փոխակերպումը փոփոխութիւն է առաջացնում և ապրանքային գների մէջ—այդ գները երբեմն բարձրանում են, երբեմն իջնում: Եթէ շնորհիւ առաջարկի պակասութեան կամ չափազանց աճած պահանջի մի որևէ ապրանքի գինը սաստիկ բարձրանում է, միաժամանակ համապատասխան չափով մի ուրիշ ապրանքի գինը պէտք է ընկնէ, որովհետև ապրանքի գինը ծառայում է միայն իբրև փողային արտայայտութիւն այն յարաբերութեան, որով մի ապրանք փոխանակւում է մի որևէ ուրիշ ապրանքի հետ: Եթէ, օրինակ, մի արշին մետաքսի գինը 5 մարկից բարձրացաւ մինչև 6 մարկ, դա նշանակում է, որ արծաթի և միւս բո-

լոր ապրանքների գները ինքնըստինքեան թէև չեն փոխակերպւում, բայց մետաքսի դէմ այնուամենայնիւ իջել են: Նոյն քանակութեամբ մետաքս ստանալու համար, պէտք է տալ այժմ փոխարէնը ուրիշ ապրանքներից աւելի մեծ քանակութիւն, քան առաջ: Ի՞նչ է լինում հետեւանքը, երբ մի ապրանքի գինը բարձրանում է: Այն, որ կապիտալները հոսում են դէպի արդիւնաբերութեան ծաղիկոց ճիւղը, այն ճիւղը, որի ապրանքների գինը բարձրանում է,— և կապիտալների այդ իմմիգրացիան շարունակւում է մինչև այն ըոպէն, երբ այդ ճիւղում կապիտալի տւած շահը կիջնի մինչև սովորական մակերևոյթը. աւելի ճիշտ, մինչև որ՝ գերարտադրութեան շնորհիւ՝ նրա տւած արդիւնքների գինը կիջնի մինչև արտադրութեան ծախսերի աստիճանը:

Եթէ, ընդհակառակը, ապրանքի գինը՝ ընկնում է արտադրութեան ծախսերից ցածր, կապիտալները ետ են մղւում այդ ապրանքի արդիւնաբերութիւնից: Բացի այն զէպքից, երբ արդիւնաբերական մի որևէ ճիւղ, ժամանակի պահանջներին չհամապատասխանող, դատապարտւած է մահան, կապիտալների փախուստի հետեւանքը լինում է այն, որ այդ ապրանքը արտադրւում է աւելի քիչ չափերով և որ, հետևապէս, նրա առաջարկը նւազում է: Շարժումը կզադարէ այն ժամանակ, երբ առաջարկը նորից կսկսի համապատասխանել պահանջին և ապրանքի գինը նորից կբարձրանայ մինչև արտադրութեան ծախսերի մակերևոյթը, կամ, աւելի ճիշտ, երբ պահանջը կգերազանցի առաջարկից և ապրանքի գինը կբարձրանայ արտադրութեան ծախսերից, որովհետև ապրանքի սովորական գինը միտ կամ բարձր է կամ ցածր արտադրութեան ծախսերից:

Այդ բոլորից երևում է, որ կապիտալներ անընդ-

հատ տեղափոխուում են արդիւնաբերութեան մի ճիւղից դէպի միւսը: Բարձր գները ուժեղ կերպով քաշում են դէպի իրանց կապիտալները, իսկ ցածր գները — ետ են մղում:

Մենք կարող կլինէինք, ուրիշ տեսակէտ ընդունելով, ցոյց տալ, որ ոչ միայն առաջարկն է որոշուում արտադրութեան ծախքերով, այլ և պահանջը: Բայց այդ մեզ շատ հեռու կը տանէր:

Մենք տեսնք քիչ վերև, որ պահանջի ու առաջարկի տատանումները միշտ մղում են ապրանքի գինը դէպի արտադրութեան ծախքերը: Ճիշտ է, ապրանքի իսկական գինը միշտ կամ բարձր է կամ ցածր արտադրութեան ծախքերից, բայց վերջ ի վերջոյ այդ բարձրանալը եւ ընկնելը հաւասարակետում են միմեանց, այնպէս որ մի որոշ ժամանակաշրջանում, որի միջոցին կատարուում է արդիւնաբերական մակընթացութիւն ու տեղատուութիւն, ապրանքները փոխանակուում են արտադրութեան ծախքերի համեմատ, և, հետևապէս, արտադրութեան ծախքերն են, որ որոշում են ապրանքների գինը:

Գների որոշումը արտադրութեան ծախքերով չը պէտք է այնպէս հասկանալ, ինչպէս այդ հասկանում են էկոնոմիստները: Նրանք ասում են, որ ապրանքի միջին գինն հաւասար է արտադրութեան ծախքրին, որ այդպէս է օրէնքը: Գների անկանոն երբերումները, որտեղ բարձրանալուն հետևում է անկումը և անկմանը՝ բարձրանալը, նրանք պատահականութիւն են համարում: Նոյնպիսի իրաւունքով կարելի էր—ինչպէս այդ հէնց արել են ուրիշ էկոնոմիստներ—գների տատանումը համարել օրէնք, իսկ նրանց որոշումը արտադրութեան ծախքերով—պատահականութիւն: Բայց միայն

այդ տատանումներն են, սարսափելի աւերումներ առաջացնող և երկրաշարժի նման ամբողջ բուրժուական հասարակութիւնը ցնցող այդ տատանումները, որ հնարաւորութիւն են տալիս որոշել գինը արտադրութեան ծախքերով: Այդ անկանոն շարժման, երբերումների ընդհանուր ընթացքը ներկայացնում է արդիւնաբերական այդ անկանոնութեան սովորական կանոնը և շրջանաւորութեան մէջ մրցումը հաւասարակշռում է մի անկանոնութիւնը միւսով:

Այսպէս, ուրեմն, ապրանքի գինը որոշուում է արտադրութեան ծախքերով—այնպէս, որ այն ժամանակամիջոցը, երբ ապրանքի գինը բարձր է արտադրութեան ծախքերից, հաւասարակշռում է այն ժամանակամիջոցով, երբ նա ցածր է, և այն: Այդ գրութիւնը ոյժ ունի, ի հարկ է, ոչ թէ այն դէպքում, երբ դա վերաբերում է արդիւնաբերութեան որևէ մի արդիւնքի, այլ արդիւնաբերական մի ամբողջ ճիւղի: Նա նըշանակութիւն ունի ոչ թէ մի արդիւնաբերողի, այլ արդիւնաբերողների ամբողջ դասակարգի համար:

Որոշել գինը արտադրութեան ծախքերով—դա նշանակում է որոշել նրան բանւորական ժամերով, որ անհրաժեշտ են ապրանքի արտադրութեան համար, որովհետև արտադրութեան ծախքերը կազմում են նախ՝ հում նիւթերը և գործիքների մաշածքը, այսինքն՝ որոշ արդիւնքներ, որոնց արտադրութեան վրա ծախսւել է մի քանի բանւորական օր և որոնք այդ պատճառով ներկայացնում են բանւորական ժամերի մի որոշ քանակութիւն: Երկրորդ՝ արդիւնքի վրայ անմիջապէս գործ դրած աշխատանքը, որը ինքը չափուում է ժամանակով:

Նոյն ընդհանուր օրէնքները, որոնցից կախւած

է ապրանքների գինը, որոշում են և աշխատանքի գինը, աշխատավարձը:

Աշխատանքի գինը երբեմն բարձրանում, երբեմն իջնում է, նայած պահանջի ու առաջարկի յարաբերութեանը և նայած նրան, թէ ինչպէս է դասաւորւում մրցումը բանւորական ոյժի գնողների—կապիտալիստների և ծախողների—բանւորների միջև: Բանւորական վարձի տարուբերումները համապատասխանում են ընդհանուր առմամբ ապրանքային գների տարուբերումներին: Իսկ այդ սահմանների շրջանում աշխատանքի գինը որոշւում է այն արտադրութեան ծախքերով, այն բանւորական ժամանակով, որ անհրաժեշտ է այդ ապրանքի, այսինքն բանւորական ոյժի, պատրաստելու համար: Բայց այդ ինչ արտադրութեան ծախքեր են, որ գործադրւում են բանւորական ոյժի վրա:

Այդ այն ծախքերն են, որ անհրաժեշտ են, որպէսզի կարելի լինի պահպանել բանւորի գոյութիւնը եւ կրթել նրան, որպէս բանւորի:

Այդ պատճառով, որքան քիչ ժամանակ է պահանջւում աշխատանքի մի որևէ տեսակը սովորելու, այնքան քիչ են բանւորի արտադրութեան ծախքերը, այնքան ցածր է նրա աշխատանքի գինը, նրա աշխատավարձը:

Արդիւնաբերութեան այն ճիւղերում, որտեղ բոլորովին չի պահանջւում, որ բանւորը սովորած լինի և որտեղ հարկաւոր է միայն բանւորի ֆիզիքական ոյժը, բանւորի արտադրութեան ծախքերը սահմանափակւում են այն ապրանքներով, որոնք անհրաժեշտ են նրա գոյութիւնը պահպանելու—այնքան, որ նա ընդունակ լինի աշխատելու: Նրա աշխատանքի գինը որոշւում է այդ պատճառով նրան անհրաժեշտ գոյութեան միջոցներով:

Բայց անհրաժեշտ է աչքի առաջ ունենալ մի համագամանք ևս: Գործարանատէրը, որ հաշւում է արտադրութեան ծախքերը և նրանցով որոշում է արգիւնքների գինը, ի նկատի է առնում և գործիքների մաշւելը: Եթէ, օր., մեքենան, որի համար նա վճարել է 1000 մարկ, մաշւում է 10 տարւայ ընթացքում, գործարանատէրը ամեն տարի ապրանքի գնին աւելացնում է 100 մարկ, որպէսզի 10 տարուց յետոյ նա հընարաւորութիւն ունենայ հնի տեղ նորը գնել: Ծիշտ նոյնպէս հասարակ բանւորական ոյժի արտադրութեան ծախքերին պէտք է աւելացնել և այն ծախքերը, որ անհրաժեշտ են բանւորի ցեղի շարունակութեան համար, որպէսզի բանւոր դասակարգը հնարաւորութիւն ունենայ բազմանալու և նոր բանւորներ մատակարարելու կապիտալիստներին: Հետևապէս բանւորի մաշւելը նոյնպէս հաշւի է առնւում, ինչպէս և մերենայի մաշւելը:

Այդպիսով, հասարակ բանւորական ոյժի արտադրութեան ծախքերը—այդ այն ծախքերն են, որ անհրաժեշտ են բանւորի գոյութիւնը պահպանելու եւ ցեղը շարունակելու համար: Այդ ծախքերի գինն է հէնց, որ կազմում է աշխատավարձը: Այդ կերպ որոշած աշխատավարձը կոչւում է աշխատավարձի միջիմուտ: Այդ միջիմուտը, ինչպէս և առհասարակ գները, որ որոշւում են արտադրութեան ծախքերով, նշանակութիւն ունի ոչ թէ առանձին անհատների, այլ ամբողջ ցեղի վերաբերմամբ: Առանձին բանւորները, միլիոնաւոր բանւորներ չափազանց քիչ են ստանում, որպէսզի հարաւորութիւն ունենան ապրելու և բազմանալու, բայց ամբողջ բանւոր դասակարգի աշխատանքի արդիւնքները սահմաններում՝ յանգում է այդ միջիմուտին:

1885
1001



Այժմ, երբ մենք պարզեցինք աշխատավարձը և առհասարակ ապրանքների գները որոշող ընդհանուր օրէնքները, մենք կարող ենք աւելի մանրամասն քննել մեզ զբաղեցնող հարցը:

Կապիտալը բաղկացած է հում նիւթից, գործիքներից և ամեն տեսակ գոյութեան միջոցներից, որ գործադրում են՝ նոր հում նիւթ, նոր գործիքներ և գոյութեան միջոցներ արտադրելու նպատակով: Կապիտալի այդ բոլոր բաղկացուցիչ մասերը աշխատանքի ծնունդներ են, աշխատանքի արդիւնքներ, կուտակւած աշխատանք: Հէնց այդ կուտակւած աշխատանքն է, նոր արտադրութեան համար իբրև միջոց ծառայող կուտակւած աշխատանքն է, որ կոչւում է կապիտալ:

Այսպէս են ասում էկոնոմիստները:

Ի՞նչ բան է ստրուկը: Ստրուկ կոչւում են նեպրները, կամ սեւամորթ մարդիկ: Մի բացատրութիւնը արժէ միւսին:

Նեգրը նեգր է: Միայն որոշ պայմաններում նա դառնում է ստրուկ: Մանող մեքենան—մեքենայ է, որի վրա մանում են, բայց որոշ պայմաններում նա դառնում է կապիտալ: Այդ պայմաններից դուրս նա նոյնքան քիչ կարող է լինել կապիտալ, որքան ոսկին, ինքնըստինքեան՝ փող, կամ շաքարը՝ շաքարի գին:

Արտադրութեան ժամանակ մարդիկ որոշ յարաբերութիւններ են ստեղծում ոչ միայն զէպի բնութիւնը, այլ և զէպի միմեանց: Արտադրելու համար նրանք պէտք է գործեն միացած և որոշ փոխազդեցութեան մէջ պէտք է մտնեն միմեանց հետ: Այդ պատճառով արտադրութեան համար, նրանց մէջ առաջանում են որոշ յարաբերութիւններ և միայն այդ հասարակական յարաբերութիւնների սահմանուն է, որ տեղի է ունե-

նում նրանց ազդեցութիւնը բնութեան վրայ—արտադրութիւնը:

Նայած արտադրութեան միջոցների բնաւորութեանը՝ արդիւնաբերողների այդ հասարակական յարաբերութիւնները և նրանց գործողութիւնների փոխանակութեան և արդիւնաբերութեան պրօցեսսում մասնակցելու պայմանները լինում են տարբեր: Երբ տեղի ունեցաւ նոր պատերազմական գործիքի—հրաձիգ զէնքի—գիւտը, փոխւեց զօրքի ամբողջ ներքին կազմակերպութիւնը, փոխւեց նոյնպէս և առանձին զօրքերի փոխադարձ յարաբերութիւնը:

Հետևապէս, արդիւնագործութեան ցիւքական միջոցների, արդիւնագործական ոյժերի փոխւելու, զարգացման հետ միաժամանակ փոխւում են եւ արդիւնագործութեան հասարակական յարաբերութիւնները: Արդիւնագործական ոյժերի ամբողջութիւնը կազմում է այն, որ կոչւում է հասարակական յարաբերութիւններ, կամ հասարակութիւն, որ կանգնած է ամեն մի առանձին դէպքում պատկան զարգացման որոշ աստիճանի վրայ և ունի իր որոշ, իրան միայն յատուկ բնաւորութիւնը: Անթիկ հասարակութիւնը, ֆեոդալական հասարակութիւնը բուրժուական հասարակութիւնը—արդիւնագործական յարաբերութիւնների ամբողջութիւններ են, որոնցից իւրաքանչիւրը նշանակում է միևնոյն ժամանակ պատմական զարգացման մի որոշ աստիճան: Կապիտալը նոյնպէս արդիւնագործութեան հասարակական յարաբերութիւն է: Նա բուրժուական հասարակական յարաբերութիւն է, բուրժուական հասարակութեան արդիւնագործական յարաբերութիւն: Միթէ գոյութեան միջոցները, գործիքները, հում նիւթը, որոնցից բաղկացած է կապիտալը, չեն ստեղծւել ու կիտւել որոշ հասարակական

պայմաններում, որոշ հասարակական յարաբերութիւնների մէջ: Միթէ նրանք չեն գործադրուում յետագայ արդիւնագործութեան համար դարձեալ յայտնի հասարակական պայմաններում: Եւ միթէ այդ որոշ հասարակական պայմանները չեն, որ յետագայ արդիւնագործութեան համար ծառայող արդիւնքները դարձնում են կապիտալ:

Կապիտալը բաղկացած է ոչ միայն գոյութեան միջոցներից, գործիքներից ու հում նիւթից, ոչ միայն նիւթեղէն արդիւնքներից. նա բաղկացած է նոյնպէս և փոխանակական արժեքներից:

Կապիտալը հետևապէս բացի նիւթեղէն արդիւնքներից, պարունակում է իր մէջ և ապրանքներ, փոխանակական արժէքներ, մի խօսքով՝ հասարակական մեծութիւններ: Կապիտալը մնում է նոյնը, ինչ որ նա կայ, անկախ նրանից թէ բաղկացած է բամբակից թէ բրդից, ցորենից թէ բրնձից, երկաթուղիներից թէ նաւերից, եթէ միայն բամբակի, ցորենի ու երկաթուղիների գները հաւասար են բրդի, բրնձի ու նաւերի գներին: Կապիտալի նիւթեղէն հիմքը կարող է փոխւել, բայց ինքը կապիտալը մնում է այդ միջոցին անփոփոխ:

Բայց եթէ ամեն մի կապիտալ ապրանքների, այսինքն՝ փոխանակական արժէքների մի որոշ քանակութիւն է, — ապրանքների, փոխանակական արժէքների ամեն մի քանակութիւն կապիտալ չէ:

Փոխանակական արժէքների ամեն մի քանակութիւն — ինքը փոխանակական արժէք է: Ամեն մի փոխանակական արժէք կարելի է դիտել իբրև մի շարք փոխանակական արժէքներ: Օր. 1000 մարկ արժեցող տուր 1000 մարկի փոխանակական արժէք է: Մի

պֆեննիգ *) արժեցող թղթի կտորը կարելի է դիտել, որպէս 100 հատ $1/100$ պֆեննիգի փոխանակական արժէքներ: Այն արդիւնքները, որոնք կարելի է փոխանակել ուրիշ արդիւնքների հետ, — ապրանքներ են: Այն յարաբերութիւնը, որով կատարուում է նրանց փոխանակութիւնը կազմում է նրանց փոխանակական արժեք, կամ, եթէ նա արտայայտուում է փողով, — նրանց գինը: Այդ արդիւնքների չափը, քանակը ոչ մի կապ չունի այն բանի հետ, որ նրանք ապրանքներ են և, որպէս այդպիսիք, ունին փոխանակական արժեք կամ գին: Ծառը, լինի նա մեծ թէ փոքր, ծառ է: Ի՞նչ քանակութեամբ էլ որ մենք վերցնելու լինենք երկաթը — 1 փութ թէ մի մսխալ — ուրիշ արդիւնքների հետ փոխանակելու համար, կարող է այդ փոխել երկաթի ապրանքային բնաւորութիւնը, նրա՝ փոխանակական արժէք լինելը: Արդիւնքների չափից, մեծութիւնից ու քանակութիւնից կախած է միայն նրանց առաւել կամ պակաս արժողութիւնը, նրանց բարձր կամ ցածր գինը:

Ի՞նչպէս է, ուրեմն, որ ապրանքների, փոխանակական արժէքների մի որոշ քանակութիւն դառնում է կապիտալ:

Նա դառնում է կապիտալ, երբ նա, իբրև ինքնուրոյն հասարակական ոյժ, այսինքն մի ոյժ, որ գտնուում է հասարակութեան մի որոշ մասի ձեռքում, պահպանուում և աճեցուում է շնորհիւ այն բանի, որ նա փոխանակուում է կենդանի բանութեան ոյժի հետ: Բացի իր աշխատելու ընդունակութիւնից ոչ մի բան չունեցող

*) 1 պֆեննիգը մարկի $1/100$ մասն է. հաւասար է մտաւորապէս $1/2$ կոպէկի:

մի դասակարգի գոյութիւնը՝ կապիտալի գոյացման անհրաժեշտ նախադրութիւնն է:

Միայն շնորհիւ կուտակեաժ աշխատանքի, առաջուց գործադրեաժ և մարմնացաժ աշխատանքի գերիշխող տիրապետութեան կենդանի աշխատանքի վերա— կուտակեաժ աշխատանքը դառնում է կապիտալ:

Կապիտալի էութիւնը կայանում է ոչ թէ նրանում, որ կուտակեաժ աշխատանքը ծառայում է կենդանի աշխատանքի ձեռքին իբրև միջոց նոր արդիւնագործութեան համար, այլ նրանում, որ կենդանի աշխատանքը ծառայում է կուտակեաժ աշխատանքին իբրև միջոց՝ նրա փոխանակական արժէքը պահպանելու և աճեցնելու համար:

Ի՞նչ է կատարում այն փոխանակութեան ժամանակ, ոո տեղի է ունենում կապիտալիստի և վարձու բանւորի միջև:

Իր բանւորական ոյժի փոխարէն բանւորը ստանում է գոյութեան միջոցներ, իսկ կապիտալիստը, այդ միջոցների փոխարէն, որ նա տալիս է բանւորին, ըստանում է բանւորի աշխատանքը, նրա արտադրողական գործունէութիւնը, այն ստեղծագործական ոյժը, որի միջոցով բանւորը ոչ միայն լրացնում է այն, ինչ որ ինքը սպառում է, այլ նաեւ աւելացնում է կուտակեաժ աշխատանքի վրա նոր արժէք: Ի՞նչի համար են պէտք բանւորին այն գոյութեան միջոցները, որ նա ստանում է կապիտալիստից: Անմիջական սպառման, գործադրութեան համար: Բայց, երբ ես սպառում եմ գոյութեան միջոցները, նրանք անհետ կորչում են, եթէ ես այն ժամանակամիջոցում, երբ այդ միջոցները պահպանում են իմ գոյութիւնը, չեմ ստեղծում իմ աշխատանքով անյայտացաժ միջոցների փոխարէն՝ նոր

արժէքներ: Սակայն հէնց այդ նոր ստեղծագործող ոյժըն է, որ բանւորը գնում է կապիտալիստի տրամադրութեան տակ՝ նրանից ստացաժ գոյութեան միջոցների փոխարէն և այդպիսով կորցնում է իր իրաւունքը՝ անձամբ օգտուելու այդ ոյժից:

Պարզենք այդ բանը օրինակով: Գիւղատնտեսը վճարում է իր ժօռ աշխատող մշակին օրական 50 պֆեննիգ: Այդ փողի համար մշակը այդ օրւայ ընթացքում մշակում է նրա հողը և օրական 1 մարկ եկամուտ է ստեղծում նրա համար: Գիւղատնտեսը ոչ միայն ետ է ստանում այն, ինչ որ նա վճարել է մշակին, այլ և կրկնապատկում է իր փողը: Նշանակում է, այդ 50 պֆեննիգը նա գործադրել է արդիւնաւէտ կերպով: Նա գնել է այդ փողով մշակի բանւորական ոյժը, որը արտադրում է կրկնակի արժողութեան արդիւնքներ, և 50 պֆեննիգը դառնում է 1 մարկ: Մշակը, ընդհակառակը, 50 պֆ. ստանալով իր բանւորական ոյժի համար, որ նա տալիս է կապիտալիստին, գնում է այդ փողով ապրուստի միջոցներ, որ և սպառում է ինքը որոշ ժամանակամիջոցում: Այդպիսով, այդ 50 պֆ. երկու տեսակ են գործադրել. արդիւնաւէտ եղանակով կապիտալիստի կողմից, որովհետեւ նա փոխանակել է 1 մարկ արտադրող բանւորական ոյժի հետ, և ապարդիւն եղանակով—բանւորի կողմից, որովհետեւ այդ փողով նա գնել է ապրուստի միջոցներ, որոնք անհետ կորել են և որոնք նա կարող է նորոգել միայն նորից ծախելով իր բանւորական ոյժը: Կապիտալը, հետեւապես, երթադրում է վարձու աշխատանքի գոյութիւնը, վարձու աշխատանքը երթադրում է կապիտալի գոյութիւնը: Նրանք փոխադարձաբար պայմանաւորում են միմեանց և մեկը ձեռնը է Տալիս միւսին:

Բամբակի գործարանում աշխատող բանուրը մի-
թէ միայն բամբակ է արտադրում: Ո՛չ, նա արտա-
դրում է նաև կապիտալ: Նա արտադրում է արժեքներ,
որոնք հնարաւորութիւն են ստեղծում նորից օգտակալ
նրա աշխատանքից և այդ աշխատանքով ստեղծելու
նոր արժեքներ:

Կապիտալը կարող է աճել միայն այն ժամանակ,
երբ նա փոխանակում է բանուրական ոյժի հետ, միայն
այն ժամանակ, երբ երևան է գալիս նրա շնորհիւ վար-
ձու աշխատանքը: Վարձու աշխատաւորի բանուրական
ոյժը կարող է փոխանակել կապիտալի հետ, երբ նա
աճեցնում է կապիտալը և մեծացնում է այն ոյժը, որ
ստրկացնում է իրան: Կապիտալի անուրը նեանակում է
այդ պատճառով պրօլետարիատի, այսինքն՝ բանուր դասա-
կարգի անուրը:

Ելնելով այդ մտքից, բուրժուազիան և նրա ի-
դէօլօգները—էկօնօմիստները—պնդում են, որ կապի-
տալիստի և բանուրի շահերը նոյնանում են: Իսկապէս
բանուրը կորած է, եթէ կապիտալը գործ չտայ նրան:
Կապիտալն էլ կորած է, եթէ նա չօգտուի բանուրական
ոյժից, իսկ օգտակալ համար նա պէտք է գնէ այդ ոյ-
ժը: Որքան աւելի արագ է աճում արտադրութեան հա-
մար նշանակաւ կապիտալը, որքան աւելի ծաղկում է
արդիւնաբերութիւնը, որքան աւելի հարստանում է
բուրժուազիան, այնքան աւելի բանուրներ են հարկա-
ւոր կապիտալիստին և այնքան աւելի թանկ է ծա-
խում իրան բանուրը:

Այդպիսով, որպէսզի բանուր դասակարգի գրու-
թիւնը տանելի լինի, անհրաժեշտ է, որ արդիւնագոր-
ծական կապիտալը որքան կարելի է արագ աճի:

Բայց ի՞նչ է նշանակում արդիւնագործական կա-

պիտալի արագ աճումը:—Դա նշանակում է կուտակ-
ւած աշխատանքի տիրապետութեան աճումը կենդանի
աշխատանքի վրա: Վարձու աշխատանքը, արտադրելով
իրան վրայ իշխող ուրիշի հարստութիւնը, իրան թշնամի
ոյժը—կապիտալը, ապրուստի միջոցներ է ստանում այդ
վերջինից այն պայմանով, որ նա նորից դառնում է կա-
պիտալի մի մասը, նրա յետագայ աճման գործօնը:

Այն միտքը, թէ կապիտալի եւ բանուրների շահերը
նոյնանում են, նիւս է միայն այն չափով, որ չափով
կապիտալը եւ վարձու աշխատանքը ներկայանում են
ուրպէս միեւնոյն յարաբերութեան երկու կողմեր: Մեկը
պայմանաւորում է միւսով—նիւս այնպէս, ինչպէս վա-
խառուն եւ ռալլ մարդը պայմանաւորում են միմեանց
գոյութիւնը:

Մինչև որ վարձու բանուրը մնում է վարձու բա-
նուր, նրա վիճակը կախաւ է կապիտալից: Ահա թէ
ինչու մն է կայանում բանուրի և կապիտալիստի շահե-
րի հռչակաւոր նոյնութիւնը:

Կապիտալի աճման հետ աճում է վարձու աշխա-
տանքի քանակը, աճում է և վարձու բանուրների թի-
ւը, ուրիշ խօսքով՝ կապիտալի տիրապետութիւնը տա-
րածւում է աւելի բազմաթիւ անձերի վրա: Եթէ վեր-
ցնենք ամենանպաստաւոր դէպքը, արդիւնագործական
կապիտալի աճման հետ աճում է և աշխատանքի պա-
հանջը: Այդ ժամանակ բարձրանում է և աշխատանքի
գինը, բարձրանում է աշխատավարձը:

Տունը—լինի նա մեծ թէ փոքր—բաւարարութիւն
է տալիս հասարակական պահանջներին բնակարանի վե-
րաբերմամբ, մինչև որ շրջակայ տները նրա նման
և նրա չափ են: Բայց հէնց որ փոքրիկ տան կողքին
բուսնում են պարտներ, նախկին տունը թւում է մի

խրճիթ: Նա վկայում է, որ իր տէրը չի կարող մեծ պահանջներ ունենալ, և, որքան էլ այդ տունը ժամանակի ընթացքում բարձրանայ, այնուամենայնիւ նրա բնակիչը միշտ պէտք է իրան դժգոհ ու ճնշւած զգայ, եթէ հարեան պալատը նոյն չափով, կամ գուցէ նոյն իսկ աւելի մեծ չափով, նոյնպէս բարձրանում է:

Որպէսզի աշխատավարձը նկատելի չափերով բարձրանայ անհրաժեշտ է, որ արդիւնագործական կապիտալը արագ կերպով աճի: Իսկ կապիտալի արագ աճումը առաջ է բերում նոյնչափ արագ աճումն հարըստութեան, շքեղութեան, հասարակական կարիքների, պահանջների և կեանքի վայելքների: Թէև բանւորի կենսական յարմարութիւնները աճել են, բայց այն բաւարարութիւնը, որ նա ստանում է, ոչինչ են կապիտալիստի ապրուստի համեմատութեամբ, որը առհասարակ անմատչելի է բանւորի համար, և ամբողջ հասարակութեան կուլտուրական վիճակի համեմատութեամբ: Կենսական յարմարութիւններին հասարակական բնաւորութիւնը տալիս է նրանց համեմատական նշանակութիւն:

Առհասարակ, աշխատավարձը չի կարելի որոշել ապրանքների այն քանակով, որ կարելի է ստանալ նրա փոխարէն: Պէտք է ի նկատի առնել և ուրիշ հանդամանքներ:

Բանւորները ստանում են իրանց աշխատանքի համար ոչ թէ անմիջապէս ապրանքներ, այլ որոշ քանակութեամբ փող: Որոշում է արդեօք լիովին աշխատավարձը միայն այդ փողային գնով:

XVI դարում Եւրոպայում շրջանառութեան մէջ գտնւող ոսկու և արծաթի քանակութիւնը նշանաւոր չափով շատացաւ, շնորհիւ նոր գտած աւելի հարուստ

և աւելի մատչելի ամերիկական հանքերի: Այդ պատճառով ոսկու և արծաթի արժէքները ընկան մնացած ապրանքների արժէքների համեմատութեամբ: Բանւորները շարունակում էին ստանալ իրանց բանւորական ոյժի համար նոյնքան արծաթէ դրամներ, որքան և առաջ: Նրանց աշխատանքի փողային գինը չփոխւեց, սակայն նրանց աշխատավարձը ընկաւ, որովհետև արծաթի նոյն քանակութեան փոխարէն նրանք ստանում էին աւելի քիչ ապրանք: Դա եղաւ այն հանգամանքներից մէկը, որոնք նպաստեցին XVII դարում կապիտալի աճմանը և բուրժուազիայի հզօրութեան զարգացմանը:

Վերցնենք մի ուրիշ օրինակ: 1847 թւականին, ձմեռը, կենսական ամենաանհրաժեշտ մթերքների— հացի, մսի, իւղի, պանրի և այլն— գները նշանաւոր չափով բարձրացան շնորհիւ երաշտի: Ենթադրենք, թէ բանւորները շարունակում էին ստանալ իրանց բանւորական ոյժի համար նոյնքան փող, որքան նրանք ստանում էին. միթէ այդ դէպքում նրանց աշխատավարձը չէր ընկել: Ի հարկէ, ընկել էր: Չէ՞ որ փողի նոյն քանակով նրանք ստանում էին աւելի քիչ հաց, միս և այլն: Նրանց աշխատավարձը ընկաւ ոչ թէ այն պատճառով, որ արծաթի արժէքը ընկաւ, այլ որովհետև ապրուստի միջոցների արժէքը բարձրացաւ:

Ենթադրենք, վերջապէս, որ արդիւնաբերութեան ու հողագործութեան բոլոր արդիւնքները, նոր մեքենաների ներմուծութեան, բարեյաջող կլիմայական պայմանների և այլն շնորհիւ, ընկել են իրանց գներում, իսկ բանւորական ոյժի փողային գինը մնում է նոյնը: Բանւորները հնարաւորութիւն ունեն այժմ գնելու նոյն փողով աւելի շատ ապրանքներ զանազան տեսակի: Նրանց աշխատավարձը բարձրանում է հետեւապէս հէնց

այն պատճառով, որ նրանց փողային արժէքը մնում է անփոփոխ:

Նշանակում է, աշխատանքի փողային գինը, նօմինալ աշխատավարձը միևնոյնը չէ, ինչ որ ռէալ (իրական) աշխատավարձը, այսինքն ապրանքների այն քանակը, որ կարելի է իրապէս ստանալ աշխատավորձի փոխարէն: Այդ պատճառով, երբ մենք խօսում ենք աշխատավորձի բարձրանալու կամ ընկնելու մասին, միայն աշխատանքի փողային գինը, կամ նօմինալ աշխատավարձը չէ, որ մենք պէտք է աչքի առաջ ունենանք:

Բայց ոչ նօմինալ աշխատավարձը, այսինքն փողի այն գումարը, որ ստանում է բանւորը կապիտալիստից, ոչ ռէալ աշխատավարձը, այսինքն ապրանքների այն քանակութիւնը, որ բանւորը ձեռք է բերում այդ փողով, չեն սպառում իրանցով այն պայմանները, որոնք որոշում են աշխատավարձը:

Ամենից առաջ կարևոր է աշխատավարձը չափել կապիտալիստի ստացած օգտի, շահի համեմատութեամբ, ուրիշ խօսքով—կարևոր է համեմատական աշխատավարձը:

Ռէալ աշխատավարձը արտայայտում է աշխատանքի գնի յարաբերութիւնը դէպի ուրիշ ապրանքների գները, իսկ համեմատականը, ընդհակառակը, արտայայտում է կենդանի աշխատանքի յարաբերութիւնը դէպի նրա նոր արտադրած արժէքը, այսինքն դէպի կապիտալը:

Մենք ասացինք վերև, որ «աշխատավարձը չի ներկայացնում իրանից բանւորի բաժինը նրա արտադրած ապրանքի մէջ: Աշխատավարձը մի մասն է արդէն գոյութիւն ունեցող ապրանքի, որի միջոցով կապիտա-

լիստը գնում է որոշ քանակութեամբ արտադրող բանւորական ոյժ:» Բայց այդ աշխատավարձը կապիտալիստը պէտք է դուրս գայ այն գնից, որով նա ծախում է բանւորի արտադրած ապրանքը, և պէտք է դուրս գայ այնպէս, որ բացի այդ արտադրութեան ծախքերից ստանայ և մի աւելորդ բան—շահ: Այն գինը, որով ծախւում է արտադրած ապրանքը, բաժանւում է երեք մասի. առաջինը ծածկում է հում նիւթի գինը և մեքենաների, ինստրումենտների և աշխատանքի այլ գործիքների մաշւածքը: Երկրորդ—ծածկում է աշխատավարձը, և երրորդ—ծախսերից աւելացող մասը՝ կապիտալիստի շահը: Մինչդեռ առաջին մասը ծածկում է այն արժեքները, որ արդէն առաջ էր գոյութիւն եմ ունեցել, երկրորդ և երրորդ մասերը—աշխատավարձը և կապիտալիստի շահը, ընդհանուր առմամբ, արտադրւում է ի հաշիւ բանւորի աշխատանքով սեղծած և արտադրութեան միջոցներին կցած՝ նոր արժեքի: Այդ պատճառով մենք իրաւունք ունենք պահանջելու, որ հնարաւոր լինի համեմատել միմեանց հետ աշխատավարձը և շահը, որպէս բանւորի արտադրած արդիւնքի երկու մասեր:

Ռէալ աշխատավարձը կարող է մնալ նոյնը կամ նոյն իսկ կարող է բարձրանալ, բայց համեմատականը, այնուամենայնիւ, կարող է միևնոյն ժամանակ ընկնել: Ենթադրենք, օրինակ, որ ապրուստի բոլոր միջոցները երկու երրորդականով ընկել են իրանց գներում, իսկ բանւորի օրավարձը ընդամենը մի երրորդականով, օրին. 3 մարկից իջել է մինչև 2 մարկ: Թէև բանւորը այդ 2 մ-ով աւելի շատ ապրանք կարող է ձեռք բերել, քան առաջ 3-ով, բայց և այնպէս նրա աշխատավարձը՝ կապիտալիստի ստացած շահի հետ համեմատած՝

ընկնում է: Կապիտալիստի (օր. գործարանատիրոջ) շահը աւելացաւ մի մարկով, այսինքն նա վճարում է բանւորին աւելի քիչ փոխանակական արժէքներ, իսկ բանւորը պէտք է արտադրէ աւելի շատ: Կապիտալի բաժինը՝ աշխատանքի բաժնի համեմատութեամբ՝ աւելանում է: Հասարակական հարստութեան բաշխումն կապիտալի և աշխատանքի միջև դառնում է աւելի անհաւասար: Կապիտալիստը իր առաջւայ կապիտալով ունի իր տրամագրութեան տակ աւելի մեծ քանակութեամբ աշխատանք: Կապիտալիստ դասակարգի ոյժը, իշխանութիւնը բանւոր դասակարգի վրա աճում է, բանւորների հասարակական գրութիւնը վատթարանում է, ընկնում է մի աստիճան էլ ցածր համեմատած կապիտալիստ դասակարգի գրութեան հետ:

Ո՞րն է ուրեմն ընդհանուր օրէնքը, որ ղեկավարում է աւխաստարձի և շահի ընկնելու և բարձրանալու փոխադարձ յարաբերութիւնը:

Աւխաստարձի և շահի փոխադարձ կախումը ճակատակ-յարաբերական է (обратно-пропорционально): Կապիտալի բաժինը շահը աճում է նոյն չափով, որչափով ընկնում է աւխաստանքի բաժինը—աւխաստարձը, և ընդհակառակը շահը աւելանում է այն չափով, որ չափով պակասում է աւխաստարձը, և շահը պակասում է այն չափով, որ չափով աւելանում է աւխաստարձը:

Կարող են գուցէ հակաճառել, թէ կապիտալիստը կարող է շահ ունենալ շնորհիւ արդիւնքների յաջող փոխանակութեան, շնորհիւ պահանջի շատանալուն նրա ապրանքի վերաբերմամբ, շնորհիւ նոր շուկաներ գտնելու կամ հները լայնացնելու և այլն, և որ այդպիսով կապիտալիստի շահը կարող է աճել շնորհիւ այն բանի, որ միև կապիտալիստները վնասուում են,

անկախ աշխատավարձի, բանւորական ոյժի փոխանակական արժէքի տարուբերումներից: Կամ որ կապիտալիստի շահը կարող է աճել շնորհիւ գործիքների կատարելագործման, բնութեան նոր ոյժերի գործադրութեան և այլն:

Բայց այդ դէպքում էլ պէտք է ենթադրել, որ հետեանքը նոյնը կլինի, թէև նրան կհասնենք հակառակ ճանապարհով: Ճիշտ է, շահը այն պատճառով չաւելացաւ, որ աշխատավարձն ընկաւ, այլ աշխատավարձն ընկաւ, որովհետև շահը աւելացաւ: Կապիտալիստը ուրիշ աշխատանքի նոյն քանակութեամբ ձեռք բերեց փոխանակական արժէքների աւելի մեծ քանակութիւն առանց վճարելու սակայն աշխատանքին աւելի թանկ: Հետևապէս աշխատանքի վարձատրութիւնը, համեմատած այն գուտ արդիւնքի հետ, որը նա տալիս է կապիտալիստին, նախկինից աւելի արժան դարձաւ:

Յիշենք նոյնպէս, որ, չնայելով ապրանքի գների տատանումներին, ապրանքի միջին գինը, այն յարաբերութիւնը, որով նա փոխանակում է միև ապրանքների հետ, որոշում է նրա արդիւնագործութեան վրա եղած ծախսերով: Այս պատճառով մի շարք կապիտալիստների ստացած արդիւնքները ի հաշիւ ուրիշների ընդհանրապէս հաւասարակշիռ են դառնում: Մեքենաների կատարելագործումը և բնութեան ոյժերի գործադրութեան նոր եղանակները հնարաւորութիւն են տալիս բանւորական նոյն ժամանակամիջոցում, աշխատանքի ու կապիտալի նոյն քանակութեամբ ստեղծել մթերքների աւելի մեծ քանակութիւն, բայց ոչ աւելի փոխանակական արժէքներ: Եթէ ես ոստայնական մեքենայի օգնութեամբ սկսեմ պատրաստել մի ժամում երկու անգամ աւելի շատ մանսածք, քան ձեռ-

քի աշխատանքով—ստենք 100 ֆունտ 50 ֆ. փոխարէն,
—այն ժամանակ ես այդ 100 ֆ. մանւածքով երկու
անգամ աւելի ապրանք չեմ ստանայ, որովհետև
արդիւնագործութեան ծախքերը կիսով չափ պակասել
են և ես նոյն այդ ծախքերով կարող եմ պատրաստել
մթերքների կրկնակի քանակութիւն:

Վերջապէս արդիւնագործութեան գուտ արդիւնքը,
ինչպէս էլ բաժանւելու լինի կապիտալիստների դա-
սակարգի մէջ—մի երկրի բուրժուազիայի, թէ համաշ-
խարհային շուկայի մէջ, այդ միևնոյն է—այդ արդիւնքի
ընդհանուր գումարը կազմում է այն արժէքը, որ կեն-
դանի աշխատանքը աւելացրել է նախկին կուտակա-
ծին: Այս ընդհանուր գումարը աւելանում է այն չա-
փով, որ չափով աշխատանքը մեծացնում է կապիտա-
լը, այսինքն որ չափով շահը աճում է ի հաշիւ աշ-
խատավարձի:

Այսպիսով մենք տեսնում ենք, որ միևնչեւ իսկ կա-
պիտալի և վարձու աշխատանքի մեջ եղած յարաբերու-
թիւնների օրջանում մեկի և միւսի շահերը ուղղակի հա-
կառակ են:

Կապիտալի արագ աճումը համահաւասար է շա-
հի արագ աճմանը: Բայց շահը միայն այն ժամա-
նակ արագ կաճի, երբ արագ կը պակասի աշխա-
տանքի գինը, աշխատավարձի համեմատական չափը:

Այս վերջինը կարող է ընկնել նոյն իսկ այն դէպ-
քում, երբ ինչպէս ո՛հալ, նոյնպէս և նոսրինալ աշխա-
տավարձը բարձրանում է, բայց միայն ոչ այն չա-
փով, որ չափով շահը: Եթէ օրինակ արդիւնաբերու-
թեան ծաղկած ժամանակ աշխատավարձը աւելացել է
50/0-ով, իսկ շահը 30/0, ուրեմն կընշանակի աշ-

խատավարձը համեմատաբար ոչ թէ աւելացել, այլ պա-
կասել է:

Եթէ ասում են, որ բանւորը շահագրգռած է կա-
պիտալի արագ աճումով, այդ նշանակում է, որ բան-
ւորը որքան արագ կերպով աւելացնէ ուրիշի հարըս-
տութիւնը, այնքան աւելի մեծ փշրանքներ կստանայ
այդ հարստութիւնից, այնքան աւելի շատ բանւորներ
կհարկաւորեն, աւելի կմեծանայ կապիտալի ստրուկ-
ների թիւը:

Ուրեմն կարող ենք հետևեալ եզրակացութիւններն
անել.

Բանւորի գրութեան նոյնիսկ ամենաբաբայաջող
պայմանները, կապիտալի ամենաբազ աճուով, որ-
քան էլ նա բանւորի տնտեսական գրութիւնը բա-
րելաւելու լինի, անկարող է ոչնչացնել նրա շա-
հերի և բուրժուա-կապիտալիստի շահերի հակադրու-
թիւնը: Շահի ու աշխատավարձի միջև կը շարունա-
կի գոյութիւն ունենալ՝ հակադարձ յարաբերական կա-
խումը:

Որքան էլ աւելանայ աշխատավարձը կապիտա-
լի արագ աճման միջոցին, շահի աճումը անհամեմատ
աւելի արագ կը կատարուի: Բանւորի տնտեսական
գրութեան բարելաւումը կատարւում է ի հաշիւ նրա
հասարակական գրութեան, և լայնանում է նրան կա-
պիտալիստից բաժանող վիճը:

Վերջապէս նոյնիսկ այն հանգամանքը, որ վար-
ձու աշխատանքի համար աւելի բարեյաջող պայմա-
մանը արդիւնագործող կապիտալի արագ աճումն է,
նշանակում է միայն հետևեալը. որքան եռանդով է
աշխատում բանւոր դասակարգը իրան թշնամու ոյժը
մեծացնելու, իրան վրա տիրապետող դասակարգի հա-

բըստութիւնը բազմապատկելու և աւելացնելու համար, նոյնքան աւելի բարեյաջող են դառնում այն պայմանները, որոնց մէջ նրան թոյլատրուում է աշխատել բուրժուայի հարստութիւնը նորից աւելացնելու՝ կապիտալի իշխանութիւնը աւելի ուժեղացնելու համար, այսինքն թոյլատրուում է նրան կռել այն ոսկէ շղթաները, որով շղթայուում է նրան բուրժուազիան:

Բայց միթէ արդիւնագործող կապիտալի անուր և աւխասալարձի աւելանալը իսկապէս անքակտելի կապով միացած են միմեանց հետ, որպէս պնդում են այդ էկոնօմիստները: Մենք չենք կարող հաւատալ նրանց խօսքին: չենք կարող հաւատալ նոյնիսկ այն բանին, թէ որքան խոշոր է կապիտալը, այնքան աւելի խնամքով է կերակրում նա իր ստրուկներին: Բուրժուազիան բաւականաչափ լուսաւորած է և բաւականաչափ հաշուկեաց, որպէսզի ազատ լինի Ֆէօդալների անափառութիւնից, որոնք հպարտանում էին իրանց ծառաների շքեղութեամբ:

Այս պատճառով անհրաժեշտ է, որ ուշադրութեամբ քննենք արդիւնագործող կապիտալի ազդեցութիւնը աւխասալարձի վրա:

Բուրժուական հասարակութեան ամբողջ արդիւնագործող կապիտալի աճելով աշխատանքի կուտակումը օտս աւելի բազմակողմանի է դառնում: Աւելանում է կապիտալիստների թիւն ու նրանց հարստութիւնը: Իսկ կապիտալիստների աւելանալով ուժեղանում է կապիտալիստների մեջ եղած մրցումը: Կապիտալների ծաւալի անուր հնարաւորութիւն է տալիս արդիւնաբերական պատերազմի դաշտ դուրս բերելու բանուրների աւելի բազմամարդ և լաւ գինւած բանակներ:

Կապիտալիստը իր մրցակցին ասպարէզից դուրս

քշելու և նրա կապիտալին տիրանալու համար պէտք է վաճառի իր տպրանքը աւելի արժան: Որպէսզի կարողանայ առանց վնասելու արժան վաճառել, նա պէտք է արդիւնագործութիւնը արժան ձևով կատարէ, այսինքն որքան կարելի է պէտք է մեծացնէ աշխատանքի բեղմնաւորութիւնը: Իսկ աշխատանքի բեղմնաւորութիւնը բարձրացնելու համար նախ հարկաւոր է աւխասանքի աւելի մեծ բաժանում՝ համեմատած նախկինի հետ, և յետոյ՝ գործի մէջ պէտք է մտցնել նոր ու նոր մեքենաներ եւ անդադար կատարելագործել նրանց: Որքան մեծ է բանուրների այդ բանակը, որքան մեծ չափերով է մտցում գործի մէջ մեքենայի արդիւնագործութեան, այնքան աւելի են պակասում արդիւնագործութեան ծախքերը և այնքան բեղմնաւոր է դառնում աշխատանքը: Այս պատճառով կապիտալիստները իրար հետ մրցում են աշխատանքի աւելի մեծ բաժանումով և մեքենաների գործադրութեամբ:

Բայց երբ կապիտալիստը շնորհիւ աշխատանքի աւելի մեծ բաժանման, շնորհիւ նոր մեքենաների գործադրութեան և նրանց կատարելագործման և վերջապէս շնորհիւ բնութեան ոյժերի աւելի օգտակար շահագործութեան հնարաւորութիւն է ստանում աշխատանքի միևնոյն չափով արտադրել ապրանքների աւելի մեծ քանակութիւն, քան նրա մրցակիցները—օրինակ, մէկ արշին կտաւ նոյն ժամանակամիջոցում, որում միւսները ստանում են կէս արշին—նա ի՞նչպէս կը վարւի:

Նա կարող է շարունակել կէս արշին կտաւը վաճառել նոյն գնով, ինչ գին կայ շուկայում, բայց այդ կերպ նա չէ կարող իր հակառակորդներին դուրս քշել շուկայից և այդպիսով աւելացնել իր ապրանքների սպառումը: Նրա արդիւնագործութեան լայնա-

ցումը սակայն պահանջում է, որ այդ լայնացման համապատասխան աւելանայ և սպառու՛մը: Արդիւնագործութեան աւելի ուժեղ և թանկ արժեցող միջոցները, որոնց նա առաջինը գործադրութեան մէջ մտցրեց, ճիշտ է, քոլլաճում են նրան ապրանքը արժան վաճառել, բայց միևնոյն ժամանակ ստիպում են նրան որքան կարելի է շատ ապրանք սպառել, այսինքն՝ ձեռք բերել աւելի մեծ շուկաներ: Այս պատճառով նա կէս արշին կտաւ աւելի արժան կրվածաւի, քան թէ ուրիշները:

Բայց չնայելով որ մէկ արշին կտաւ արդիւնագործութիւնը մեր կապիտալիստին աւելի թանկ չէ նստում քան ուրիշներին կէս արշինը, այնուամենայնիւ նա այդ մէկ արշինը նոյն գնով չի վաճառի, ինչ գնով ուրիշները վաճառում են իրենց կէս արշինը: Այդ դէպքում նա ետ կտանար միայն արդիւնագործութեան ծախքերը, բայց աւելորդ օգուտ չէր ստանայ: Նա մեծ, համեմատած ուրիշների հետ, օգուտ կը ստանայ այն բանից, որ գործադրել է աւելի մեծ կապիտալ, և ոչ թէ նրանից, որ նրա կապիտալը ստեղծում է աւելի մեծ արժէքներ, քան ուրիշների կապիտալները: Բացի դրանից, իր նպատակին հասնելու համար բաւական է, որ նա նշանակէ այնպիսի գներ, որոնք միայն մի քանի 0/0 0/0-ով աւելի պակաս լինեն նրա մրցակիցների գներից: Իրանով նա կյաղթի նրանց և իր ձեռքը կըզցի նրանց շուկաների մի մասը չէնց նրանով, որ պակասեցնում է ապրանքների գները: Յիշենք վերջապէս, որ միջին գինը միշտ բարձր կամ ցածր է արդիւնագործութեան ծախքերից, նայելով՝ բարեյաջող թէ անբարեյաջող պայմաններում է գտնուում արդիւնարբերութիւնը ներկայ մօմէնտում: Նայելով նրան, թէ մէկ արշին կտաւ գինը բարձր է թէ ցածր

արդիւնագործութեան ծախքերից, դրա համեմատ էլ արդիւնագործութեան նոր և աւելի օգտակար միջոցներ ձեռք առնող կապիտալիստի շահի 0/0-ը կը տարուբերւի:

Սակայն մեր կապիտալիստը երկար չէ կարող օգուտել այդ առաւելութիւններից, արժուութիւններից: Նրա մրցակից ձեռնարկողները նոյնպէս կսկսեն մտցնել նոյն մեքենաները և աշխատանքի նոյն բաժանումը—եթէ ոչ աւել, գոնէ նոյն չափով: Բոլոր այս նորաձեռութիւնները սովորական կդառնան և վերջ ի վերջոյ կը տաւի գինը կպակասի ոչ միայն հին, այլ և նոր արդիւնագործութեան ծախսերից:

Այսպիսով կապիտալիստները կրկին ընկնում են այն դրութեան մէջ, ինչ էին մինչև արդիւնագործութեան նոր միջոցներ մտցնելը, և թէև նրանք նոր միջոցների օգնութեամբ կարող են նախկին գնով մատակարարել մթերքների կրկնակի քանակութիւն, բայց այժմ արդէն նրանք ստիպւած են մթերքների այդ կրկնակի քանակութիւնը աւելի արժան վաճառել քան առաջ: Այժմ արդիւնագործութեան ծախսերի քանակի փոփոխութեան պատճառով ամեն ինչ նորից է սկսուում: Սկսում է աշխատանքի աւելի մեծ բաժանում, մտցւում են աւելի շատ մեքենաներ, լայնանում են ձեռնարկութեան չափերը և սկսում է աշխատանքի բաժանման ու մեքենաների աւելի արդիւնաւէտ շահագործութիւն: Իսկ մրցումը նորից երևան է բերում իր հետեւանքները:

Այսպէս ուրեմն մենք տեսնում ենք, որ արդիւնագործութեան եղանակի ու միջոցների մէջ անդադար տեղի են ունենում յեղաշրջումներ—սեւնում են, որաւելասանի բաժանումը անխուսափելի կերպով առաջ է բերում

աւխասանքի նոր ու աւելի մեծ բաժանում, մեքենաների գործադրութիւնը ստիպում է էլ աւելի մեծ չափերով օգտել մեքենաներից եւ մեծ չափերով արդիւնագործութիւնը անընդհատ պահանջում է նրա չափերի անվերջ լայնացումն:

Այս օրէնքը բուրժուական արդիւնագործութիւնը շարունակ առաջ է մղում և կապիտալին ստիպում է լարել աշխատանքի ամբողջ արտադրողական ոյժը, որովհետեւ նա ինքն էլ մինչեւ վերջին աստիճան լարում է իր ոյժերը: Այս օրէնքը արդիւնագործութեանը ոչ մի բոլորէ հանգիստ չէ տալիս և անդադար չշնչում է նրա ականջին. առաջ, առաջ:

Այս նոյն օրէնքն է, որը արդիւնաբերութեան պարբերական տատանումների միջոցին ապրանքի գները հաւասարեցնում է արդիւնագործութեան ծախքերին:

Որքան էլ հսկայական լինեն արդիւնագործութեան այն միջոցները, որ կապիտալիստը մտցնում է գործի մէջ, մրցման շնորհիւ նրանք բոլորն էլ ստիպողական են դառնում բոլորի համար, և այդ բոլորից նրա կապիտալի մեծ արդիւնաբերութեան հետեանքը այն է, որ նա միևնոյն գնով ստիպւած է լինում մատակարարել 10, 20, 100 անգամ աւելի մթերքներ, քան առաջ:

Բայց որովհետեւ վաճառող ապրանքների քանակութեան մեծանալով կապիտալիստը իրեն վարձատրելու համար ստիպւած է սպառումը լայնացնել գոցէ մի հազար անգամ, որովհետեւ լայն սպառումը անհրաժեշտ է նրան այժմ արդէն ոչ միայն օգուտ ըստանալու համար, այլ և արդիւնագործութեան ծախքերը ծածկելու համար,— չէ՞ որ մենք տեսանք, որ արդիւնագործութեան գործիքները աւելի թանկանում են,— և որովհետեւ նոյն գրութեան մէջ են և նրա մըրցակիցները, այդ պատճառով ամեն անգամ կոխը նո-

րոգում է այնքան աւելի մեծ ոյժով, որքան աւելի ուժեղ են արդիւնագործութեան նոր միջոցները: Հետեւապես աւխասանքի բաժանումը եւ մեքենաների գործադրութիւնը պիտի է շարունակեն անել:

Որքան էլ մեծ լինի արդիւնագործութեան նոր միջոցների ոյժը, մըրցումը այնուամենայնիւ խանգարում է կապիտալին օգուտել նրանց պտուղներից, որովհետեւ ապրանքների գները իջնում հաւասարում են արդիւնագործութեան ծախքերին, առաջ է գալիս արժան արդիւնագործութիւն և արժան վաճառում: Այսպիսով կապիտալիստը չնայելով իր բոլոր ջանքերին ոչինչ չի ստանում բացի միևնոյն բանտրական ժամանակամիջոցում աւելի շատ մթերքներ արդիւնագործելու անհրաժեշտութիւնից, այսինքն բացի իր կապիտալի գործադրութեան համար աւելի ծանր պայմաններից: Որովհետեւ մըրցումը իր արդիւնագործութեան ծախքերի օրէնքով ամբողջ ժամանակ հետևում է նրան և նրա դէմ է ուղղում այն դէպքը, որ նա պատրաստում է իր մըրցակիցների համար, ուստի նա միշտ աշխատում է աւելի խորամանկ գտնել, մտցնելով նոր, աւելի թանկ, բայց և աւելի արդիւնաւէտ մեքենաներ և աշխատանքի նոր բաժանում,— առանց սպասելու, որ նախկին մեքենաները հնանան:

Մի բոլոր է երևակայենք, որ այս տեսողային կենդանութիւնը տիրում է ամբողջ համաշխարհային շուկայում, և մեզ հասկանալի կլինի, թէ ինչու կապիտալի աճումը, կուտակումն ու կենտրոնացումը բերում են իրանց հետ անընդհատ աշխատանքի հսկայական բաժանում և մեքենաների կատարելագործում:

Բայց ինչպէ՞ս են ազդում աւխաստիւրձի վրա

այս երեւոյթները, որ անխուսափելի կերպով կապուած են արդիւնագործող կապիտալի անման հետ:

Աշխատանքի մեծ բաժանումը մի բանւորին հնարաւորութիւն է տալիս կատարելու 5, 10, 20 բանւորների գործ և այդ պատճառով բանւորների մէջ մրցումը աւելանում է 5, 10, 20 անգամ:

Մրցումը բանւորների մէջ կայանում է ոչ միայն նրա մէջ, որ մէկը իր ոյժը ծախում է աւելի արժանքան միւսը, այլ և նրա մէջ, որ մէկը կատարում է 5, 10, 20 մարդու աշխատանք: Իսկ կապիտալը մտցնելով և լայնացնելով շարունակ աշխատանքի բաժանումը, բանւորներին ստիպում է հէնց այդ կերպ մրցել միմեանց հետ:

Յետոյ, աշխատանքի բաժանման ուժեղանալու հանման աւելի պարզ բնաւորութիւն է ստանում եւ ինքը աշխատանքի: Բանւորի առանձին անհատական ճարտիկութիւնը իր նշանակութիւնը կորցնում է այլևս: Բանւորը դառնում է հասարակ, միօրինակ արտադրող ոյժ, որը առիթ չէ ունենում գործադրելու իր ոչ Ֆիզիքական և ոչ էլ հոգեկան ընդունակութիւնները: Նրա աշխատանքը կարող է կատարել ամեն ոք: Այս պատճառով ամեն կողմից մրցողներ են առաջ գալիս: Պէտք է անքի առաջ ունենալ, որ որքան հեշտ է լինում աշխատանքը, որքան քիչ նախապատրաստութիւն է պահանջում նա, հետևաբար և աւելի պակաս արդիւնագործութեան ծախքեր, այնքան աւելի իջնում է աշխատավարձը, որը, ինչպէս և ամեն մի ուրիշ ապրանքի գին, որոշւում է արդիւնագործութեան ծախքերով:

Հետևաբար բանւորների մրցումը ուժեղանում է, իսկ աշխատավարձը ընկնում է նոյն չափով, որչափով աշխատանքը դառնում է աւելի միօրինակ եւ աւելի անախտ:

Բանւորը աշխատում է պահպանել աշխատավարձի նախկին չափը, աւելացնելով իր աշխատանքը, այսինքն աշխատելով աւելի շատ ժամեր, կամ նոյնաժամանակամիջոցում աշխատելով պատրաստել աւելի շատ մթերքներ:

Այսպէս, կարիքից ստիպւած նա աւելի ուժեղացնում է աշխատանքի բաժանման կորստաբեր հետևանքները:

Իրա հետևանքը լինում է այն, որ քանի շատ է աշխատում բանւորը, այնքան նա աւելի քիչ է ստանում այն հասարակ պատճառով, որ նա աւելի ուժեղ է մրցում իր ընկերների հետ, որոնք սկսում են առաջարկել իրանց աշխատանքը նոյն պայմաններով, ինչ պայմաններով նա է աշխատում: Վերջի վերջոյ նա մրցում է ուրեմն ինքը իրան հետ, որպէս բանւոր դասակարգի անդամի հետ:

Մեքենայական արդիւնագործութիւնը առաջ է բերում նոյնը, միայն աւելի մեծ չափով: Նա սովորած բանւորներին փոխարինում է չսովորածներով, տղամարդկանց կանանցով, հասակաւորներին անչափահասներով: Որտեղ նա մտնում է առաջին անգամ, բազմաթիւ բանւորներ շարուում են փողոց, իսկ այնտեղ, որտեղ նա աստիճանաբար է զարգանում, որտեղ մեքենաները հետզհետէ կատարելագործւում են, այնտեղ բանւորները զրկւում են աշխատանքից աստիճանաբար և մասմաս: Վերևում մենք թուցելի կերպով նկարագրեցինք կապիտալիստների արդիւնաբերական պատերազմը. այս պատերազմն այն առանձնայատկութիւնն ունի, որ այստեղ յաղթութիւնը ձեռք է բերւում բանւորական բանակը ոչ թէ աւելացնելով, այլ ընդհակառակը՝ պակասեցնելով, իսկ բանւորական բանակի քչացնելու մէջ կապիտալիստները աշխատում են միմեանց գերազանցել արձակւած բանւորների քանակութեամբ:

էկօնօսիտներն հաւատացնում են մեզ իբր թէ մեքե-
նայի շնորհիւ աւելորդ դարձած բանուորները պարապ-
մունք են գտնում արդիւնագործութեան նոր ճիւղերում:

Նրանք չեն համարձակուում ուղղակի պնդել, որ
այդ նոր ճիւղերում պարապմունք գտնում են հէնց այն
բանուորները, որոնք արտաքսուում են ուրիշ տեղերից:
Փաստերը իսկոյնեթ կապացուցէին նրանց սուտը: Նրանք
ասում են միայն, որ բանուր դասակարգի ուրիշ մասեր,
օրինակ երիտասարդ սերունդը, որ պատրաստուում էր
մտնել կործանւած արդիւնագործութեան մէջ, կը գտնեն
նոր պարապմունքի տեղեր: Ի հարկ է, այդ հանգամանքը
վերին աստիճանի մխիթարական է նրանց համար, ո-
րոնք մնացել են առանց գործի: Պարոն կապիտալիստները
պակասութիւն չեն դգայ բանուորական թարմ ոյժերի
մէջ: Բայց դա մի մխիթարանք է, որը բուրժուազիան
ստեղծել է աւելի շատ իրան, քան բանուորների համար:
Չէ որ սարսափելի կլինէր, եթէ մեքենայական արդիւ-
նագործութիւնը ոչնչացնէր վարձու բանուորների ամ-
բողջ դասակարգը, որովհետեւ առանց վարձու աշխա-
տանքի կապիտալը կդադարէր կապիտալ լինելուց:

Բայց ենթադրենք թէ մեքենայի շնորհիւ անմի-
ջապէս արտաքսւած բոլոր բանուորները և այն երիտա-
սարդ սերունդը, որը մտածում էր այդտեղ գործ գտնել,
գտել են նոր պարապմունքներ: Մի՞թէ կարելի է մտա-
ծել, որ այդ նոր պարապմունքները նրանց կվարձա-
տրեն նոյնպէս, որպէս նախկինները:

Ոչ, սա կհակասէր ցնեստուքեան բոլոր օրէնք-
ներին: Մենք արդէն ծանօթ ենք ժամանակակից
արդիւնաբերութեան տեղեկեցիայի հետ, որ ձրգ-
տում է աւելի բարդ և աւելի բարձր աշխատանքը փո-
խարինել աւելի պարզ և աւելի ցածր աշխատանքով: Ու

արդիւնաբերութեան որևէ ճիւղից մեքենայի շնորհիւ ար-
տաքսւած բանուորների ամբողջ մասսան կը գտնի ուրիշ,
աւելի նազ վարձատրուող աշխատանք: Որպէս բացառու-
թիւն այս օրէնքից, մատնացոյց էին անում այն բանուոր-
ների վրա, որոնք զբաղւած են նոյն այդ նոր մեքենանե-
րի պատրաստութեամբ: Երբ մեքենայական արդիւնա-
գործութիւնը սկսում է զարգանալ և ամեն տեղ մուտք
գործել, պատրաստուող մեքենաների քանակութիւնը
բնականաբար պէտք է աւելանայ, իսկ դրա հետ պէտք
է աւելանայ և այդ մեքենաները պատրաստող բանուոր-
ների թիւը, որոնք միևնոյն ժամանակ կազմում են
բանուոր դասակարգի ամենաուսեալ, ինտելիգենտ և
նոյնիսկ կը թւած խաւը:

Սկսած 1840 թ. այս պնդումը, որ առաջ էլ միայն
մասամբ էր ճշմարիտ, կորցրել է ամեն մի հող: Մեքե-
նաներ պատրաստելիս նոյնպէս գործադրում են մե-
քենաներ, ինչպէս և արդիւնագործութեան մէջ, և հա-
մեմատած այդ մեքենաների հետ ամենաճարպիկ բա-
նուորների ոյժը նսեմանում է:

Բայց կարող է պատահել, որ մի գուրս արած
բանուորի փոխարէն գործարանին կհարկաւորւի մի կին
և երեք երեխայ: Բայց մի՞թէ տղամարդու վարձատրու-
թիւնը չպէտք է բաւականացնէր թէ կնկան և թէ երե-
խաներին: Մի՞թէ աշխատավարձի մինիմումը չպէտք է
բաւարարութիւն տար ցեղը պահպանելու և բազմաց-
նելու պահանջին: Միայն այն, որ այժմ մի ընտանիք
պահելու համար հարկաւոր է 4 անգամ աւելի շատ
բանուորական կեանք ծախսել, քան առաջ:

Ուրեմն ձևակերպենք վերև ասածները: Ուրեան
արագ է անում արդիւնագործական կապիտալը, այնքան
աւելի լայն գործադրութիւն են գտնում աշխատանքի բա-

ժանուր եւ մեքենաները: Իսկ որքան լայն գործադրու-
 քիւն են ստանում աշխատանքի բաժանումն ու մեքենա-
 ները, այնքան աւելի ուժեղանում է մրցումը բանուորների
 մեջ, այնքան աւելի ընկնում է աշխատավարձը:

Բացի դրանից բանուոր դասակարգին աւելանում
 են նաև հասարակութեան աւելի բարձր խաւերի անդամ-
 ները. մանր գործարատէրերի մասսան և մանր սեփականե-
 րը ստիպւած են լինում ցածրանալ մինչև բանուորութիւնը
 և նոյնպէս ձեռք կառկառել գործ գտնելու համար: Այս-
 պիսով գործ փնտոելու համար կառկառած ձեռքե-
 րի թիւը զնալով աւելանում է, իսկ այդ ձեռքերը ա-
 ւելի նւազ ու նիհար են դառնում:

Ինքն ըստ ինքեան հասկանալի է, որ մանր ար-
 դիւնաբերողը չի կարող դիմանալ այն կուլին, որի ա-
 մենաառաջին պայմանն է արդիւնագործութեան մշտա-
 կան լայնացումը, որովհետև դրա համար հարկաւոր է
 լինել խոշոր և ոչ թէ մանր արդիւնաբերող:

Բացատրութեան կարօտ չէ նոյնպէս և այն հան-
 դամանքը, որ կապիտալների ծաւալի աճելու հետ
 միասին պակասում է կապիտալի տոկոսը և որ այդ
 պատճառով մանր սեփական անկարող է ապրել իր
 սեփականով և ստիպւած է դիմել որևէ արդիւնաբե-
 րական ձեռնարկութեան, այդպիսով լրացնելով մանր
 ձեռնարկողների՝ այսինքն ապագայ պրօլետարիատի
 շարքերը:

Վերջապէս, որ չափով կապիտալիստները, իրանց
 տրամադրութեան տակ գտնւած արդիւնագործութեան
 հսկայական միջոցների շահագործումը լայնացնելու ան-
 հրաժեշտութիւնից ստիպւած՝ դիմում են կարելիին չափ
 վարկային ձեռնարկութիւններին, սկսում են յաճախ
 կրկնւել արդիւնաբերական ճգնաժամերը, որոնցից ա-

ուտրական աշխարհը փրկուում է միմիայն զոհաբերելով
 իր հարստութեան, մթերքների և նոյնիսկ արդիւնաբե-
 րող ոյժերի մի մասը:

Այդ ճգնաժամերը ուժեղանում և աւելանում են
 արդէն այն պատճառով, որ մթերքների ընդհանուր քա-
 նակութեան, ուրեմն և շուկաները լայնացնելու պահան-
 ջի աճման հետ զուգընթացաբար աւելի ու աւելի է կըր-
 ճատուում համաշխարհային շուկան և աւելի պակասում
 է այն շուկաների թիւը, որ կարելի է նոր ձեռք գցել,
 որովհետև ամեն մի նախընթաց ճգնաժամ արդէն հա-
 մաշխարհային առևտրի ոլորտի մէջ ձգած է լինում
 բոլորովին ձեռք չուած, կամ թեթև ձեռք տւած առևտ-
 րական շուկաներ:

Բայց կապիտալիստը չէ բաւականանում միայն
 աշխատանքի հաշին ապրելով: Հնադարեան անւանի
 բարբարոս իշխանների նման նա իր հետ գերեզման է
 տանում իր ստրուկների դիակները, որոնք զոհ են գը-
 նում ճգնաժամերին: Ուրեմն մենք տեսնում ենք հե-
 տեալը:

Նքե կապիտալիստն անում է, մրցումը բանուորների մեջ
 անում է անհամեմատ աւելի արագ, այսինքն բանուորի հա-
 մար պարապմունք գտնելը, գոյութեան միջոցներ ձեռք բե-
 րելը դժուարանում է. մինչ դեռ միեւնոյն ժամանակ կա-
 պիտալի արագ անումը վարձու աշխատանքի համար
 ամենաբարեյաջող պայմանն է:

Սկսել է մի շարք թարգմանական զեղարես-
տական մեծ գրաժընների հրատարակութիւն

«ՕՏԱՐԱԶԳԻ ՀԵՂԻՆԱԿՆԵՐ»

ընդհանուր վերնագրի տակ

Թարգմանութեանը մասնակցում են առաջնա-
կարգ ոյժեր.

ԱՌԱՋԻՆ ՎԵՑՀԱՏՈՐԵԱԿԻ

մէջ մտնում են հետևեալ աշխատութիւններ.

1. Էրկան-Շարխան—«ՄԻ ԳԻԻՂԱՅՈՒ ՊԱՏՄՈՒԹԻԻՆ»,
վէպ 18-րդ դարի վերջին ֆրանսիական կեանքից
գիրը 1 ր. 25 կ.:
2. Վոյնիչ—«ԲՈՌ», վէպ երեսնական թւականների ի-
տալական կեանքից, թարգմ. Շանթ, գիրն է 1 ս.
3. Վ. Փօն Պօլեց—«ԳԻԻՂԱՅԻ ԲԻԻՏՆԵՐԸ», վէպ ժա-
մանակակից գերմանական կեանքից:
4. Էմիլ Զօլա—«ԺԵՐՄԻՆԱԼ ԿԱՄ ԱԾԽԱՆՆԵՐ», վէպ
ժամանակակից ֆրանսիական կեանքից:
5. Հաուպսման—«ԴՐԱՄԱՆԵՐԻ ԺՈՂՈՎԱԾՈՒ» (Կառա-
պան Հենշել, Զուլհակներ, Կրամպտօն բարեկամը
և այլն).
6. Կ. Է. Ֆրանցօզ.—«ՏԱՐԱՍ ԲԱՐԱԲՈՂԱ»,—վէպ ե-
րեսնական թւականների պօղօլեան ուուսիւնների
կեանքից:

Ամբողջ հրատարակութիւնը կունենայ 2200—2400
մեծադիր երես: Արդէն լոյս են տեսել I և II հ.:

«ՕՏԱՐԱԶԳԻ ՀԵՂԻՆԱԿՆԵՐ»

Բ Ա Ժ Ա Ն Ո Ր Դ Ա Գ Ր Ո Ի Թ Ե Ա Մ Բ

Թիֆլիսում 6 ռ., Թիֆլիսից դուրս ճանապարհա-

ծախսով 7 ռ.

Կարելի է վճարել ՄԱՍ-ՄԱՍ—կանխավճար Թիֆ-
լիսում—1 ռ., Թիֆլիսից դուրս 2 ռ., մնացածը
ամեն հատոր ստանալիս Մէկ-Մէկ ռուբլի, վեր-
ջին 6-րդ հատորը—ձրի:

Հոյս տեսնելուց յետոյ վեցհատորեակը

կարժենայ 9 ռ.:

Բաժանող գրել կարելի է Թիֆլիսում «Կենտ-
րոնական» և «Գուտտենբերգ» գրախանութներում
և «Հեմէս» տպարանում, Բագու «Сотрудникъ»
գրախանութում:

Ուրիշ քաղաքներից դիմել Ընկերութեանը

«Ազգային գրադարան»



NL0181245

Ժ ո ղ ո վ ը դ ա կ ա ն զ ր ք ո յ կ ն Ե Ր

1. Գեմիլոչեան. Գ. Ուխտաւորներ, Աշուղի հէքիաթը, պատմաւածքներ 7 կ.
2. Վերեսաե Վ. Մի անմեղ մարդու սոսկալի մահը, թարգմ. Պ. Պոռչեան 6 կ.
3. Շխեսնց Ս. Մի մահ և Անտառալը, պատմաւածքներ 7 կ.
4. Էրկման-Շասբիանից Ժամադործի յիշողութիւնները, թարգմ. Շուշ. Սաժակնեան 8 կ.
5. Պրոֆ. Վ. Զօլբարս. Ինչո՞ւ այժմ ամեն մարդ հետաքրքրուած է քաղաքատնտեսական և ընկերավարչական ինքիբններով, թարգ. Ս. Թառայեան 10 կ.
6. Յովնաննէս Գասլիկե. Կապիտալ և Կապիտալիսմ 12 կ.
7. Պրոֆ. Թ. Ալիխիս. Իրաւունքի ծագումը և պատմութիւնը, թարգ. Ս. Թառայեան 12 կ.
8. Կարլ Մարքս, Վարձու աշխատանք և կապիտալ գիւնը 10 կ.

Հ Է Գ Ի Ա Թ Ն Ե Ր Ի Ա Շ Խ Ա Ր Հ

պատկերազարդ սերիա

1. Ղազ. Աղաղեանի. Գիւլնաղ-տատի հէքիաթը, Այծատուր, Զանգի-Զրանգի, Մանուկ-Սան 15 կ.
2. Ղազ. Աղաղեանի. Եղեգնուհի, Անտառի մանուկը, Ասլան-Բալա 15 կ.

Կազմած երկուսը միասին 45 կ.

Հ Ա Յ Բ Ա Ն Ա Ս Տ Ե Ղ Ծ Ն Ե Ր

1. Յովնան. Թումանեանի Սասունցի Դաւիթը 15 կ.
2. » » Անուշ 15 »
3. » » Լեզհնդներ 15 »
4. Շարնի Լեռան աղջիկը 15 »
5. » » Երգեր 15 »

Օր. Հեղինէ Մելիք. Հայկազեանի՝ Մի պատյա ճապոնում. 25 պատկերով 40 կ.

Գ Ի Ն Ն Է 10 ԿՈՊ.

Գ Ի Մ Ե Լ Գ Ր Ա Վ Ա Ճ Ա Ր Ն Ե Ր Ի Ն

Հրատարակութիւնների պահեստ՝ Թիֆլիս, Товарищество «Ст. Лисицианъ и Ко». (Бобутовская ул. 25) և Типография «Гермесъ» (Мадатовская ул. 15).